

mittentis: etenim reprehensionem extimescens JANAKÆ filiam e domo quidem expulerat, non vero ex animo.

85. Prudens ille, in tribuum ordinumque cura vigilans, dolore represso, regnum amplum libidine vacuus gubernabat, haud majorem fructum ex eo percipiens quam ejus fratres.

86. LAKSHMIS, nulla voluptate percepta habitans in pectore regis, qui reprehensionem timens unicam suam uxorem, quamquam integram, destituerat, splendebat quasi æmulis privata.

87. SÍTA certior facta, RÁVANÆ inimicum ipsa relictā nullam aliam uxorem ducere, sed ipsius effigie delectatum sacrificia facere, durum separationis a marito dolorem quodammodo perferebat.